

摘藻堂四庫全書薈要

集部

欽定四庫全書薈要卷一萬五千二百七

集部

山谷年譜卷二十一

宋 黃芻 撰

元祐二年丁卯中

見諸人唱和醖醖詩輒次韻戲詠

按蜀本詩集注云樂城集中有次韻孔文仲舍人醖醖即此韻此後有和曾子開扈從詩見外集以樂城詩考之蓋四月一二日也

次韻秦觀過陳無已書院觀鄙句之作

按蜀本詩集注云無已來京師寓居陳州門見
予所作秋懷詩書院當在此地而此詩有墻陰
老春薺之句觀字少章

陳留市隱

并序

此詩蓋陳無已先作蜀本詩序云陳留江端禮
季共曰陳留市上有刀鑷工年四十餘無室家
子姓惟一女年七歲矣日以刀鑷所得錢與子
女醉飽醉則簪花吹長笛肩女而歸無一朝之

憂而有終身之樂疑以爲有道者也視此加詳
因具載之

晁張和答秦觀五言予亦次韻

劉晦叔許洮河綠石研

晦叔名昱

以團茶洮州綠石研贈元咎文潛

按蜀本詩集注云按實錄元祐元年十二月試
太學錄張耒試太學正晁補之並爲秘書省正

字而此詩有道山延閣委竹帛之句蓋今歲所作

謝王仲至惠洮州礪石黃玉印材

仲至名欽臣因洮研詩附見

次韻文潛同游王舍人園

詩中有濃綠張夏帷之句

卧陶軒

詩中有城南晁正字之句

次韻寄晁以道

以道名說之

次以道韻寄范子夷子默

子夷名正平子默名正思

僧景宗相訪寄法王航禪師

按蜀本詩集注云張方回家本山谷自注云智
航道人住嵩山法王寺數遣小僧景宗到京師
因宗還寄之又先生有此真蹟石刻題云因僧
景宗還大法寺寄航長老

次韻子瞻送顧子敦河北都運二首

按蜀本詩集注云按實錄元祐二年四月癸巳
給事中顧臨爲河北路都轉運使以東坡詩爲
次

餞子敦席上奉同孔經父八韻

次韻張昌言給事喜雨

以東坡樂城集爲次樂城詩云已收蠶麥無多
日蓋四月間昌言名問

送李德素歸舒城

詠李伯時摹韓幹三馬次蘇子由韻簡伯時兼寄

李德素

東坡集有此詩在喜雨詩後伯時名公麟德素

名素

次韻子瞻和子由觀韓幹馬因論伯時畫天馬

次韻答王慎中

慎中名寅

子瞻去歲春夏侍立延英子由秋冬間相繼入侍

作詩各述所懷予亦次韻四首

先生有此四詩真蹟題云子瞻云去歲春夏侍
立邇英子由秋冬間相繼入侍次韻四首各述
所懷予亦次韻

再次韻四首

先生有真蹟題云子由作四絕句書起居郎時
入侍邇英講所見輒以所聞次韻

按第二篇首句風櫺倒影日光寒先生真蹟

石刻作風櫺倒竹影光寒政合春明退朝錄
所云隆儒殿在邇英閣後叢竹中故事

次韻子瞻題郭熙畫秋山

以東坡詩爲次東坡詩所謂玉堂畫掩春日閑
即此韻在入侍邇英殿詩後

題郭熙山水扇

題惠崇畫扇

題鄭防畫夾五首

戲題小雀捕飛蟲畫扇

題畫孔雀

先生有此詩真蹟石刻題云題實師畫孔雀

睡鴨

先生有此詩真蹟石刻首句山雞照影作山雞

臨水

小鴨

題劉將軍雁二首

前篇載文集五卷後篇載文集九卷

題劉將軍鵝

題晁以道雪雁圖

題王居士所藏王友畫桃花二首

題陽關圖二首

題歸去來圖一首

題畫鵝雁二首

題老鶴萬里心

題韋偃馬

答王道濟寺丞觀許道寧山水圖二首

前篇載外集第三卷二十二韻後篇載外集第十二卷比前篇多一韻其間大同小異恐前篇是改定本一時編次不覺並載今併存之

已上十二篇並元載外集

次韻奉酬劉景文河上見寄

詩中有煮春茗之句

奉謝劉景文送團茶

謝景文惠浩然所作廷珪墨

和劉景文

同劉景文遊郭氏西園因留宿

同景文詠蓮塘

已上五篇並元載外集

山谷年譜卷二十一

欽定四庫全書薈要卷一萬五千二百八

集部

山谷年譜卷二十二

宋 黃耑 撰

元祐二年丁卯

下

次韻子瞻題无咎所得文與可竹二首粥字戲嘲
无咎人字詠竹

東坡集此詩在郭熙秋山後

次韻文潛休沐不出二首

奉同子瞻韻寄定國

東坡玉堂獨坐懷王定國詩即此韻在題无咎
竹後

次韻王定國揚州見寄

往歲過廣陵值早春嘗作詩云春風十里珠簾捲
彷彿三生牡牧之紅藥梢頭初顰栗揚州風物
鬢成絲今春有自淮南來者道揚州事戲以前
韻寄王定國二首

先生有此詩真蹟云後數年京師塵土中客

有自揚州來交轡久之道王定國事因用前
之字韻作二小詩寄定國按石刻第二詩日
邊作目邊此詩後又書云王晉卿數送詩來
索和老嬾不喜作此曹狡獪又頻送花來促
詩戲答花氣薰人欲破禪心情其寔過中來
春來詩思何所似八節灘頭上水船今集中
偶不載因附於後

次韻錢穆父贈松扇

戲和文潛謝穆父松扇

東城和張耒松扇詩在王定國後

謝鄭閔中惠高麗畫扇二首

畫王氏夢錫扇

此篇元載別集

次韻王炳之惠玉板紙

炳之名伯虎

謝王炳之惠石香鼎

謝王炳之惠茶

此篇元載別集

次韻柳通叟寄王文通

送張天覺得登字

按蜀本詩集注云按寔錄元祐二年七月開封
推官張商英提點河東路刑獄商英字天覺東
坡此詩在松扇後

次韻徐文將至國門見寄二首

詩中有槐催舉子著黃花之句蓋是歲秋試
博士王揚休碾密雲龍同事十三人飲之戲作
和答梅子明王揚休點密雲龍

此篇元載外集

答黃冕仲索煎雙井并簡揚休

再答冕仲

戲答陳元興

元興名軒

再答元輿

次韻冕仲考進士試卷

已上皆武成宮試闈所作

和冕仲觀試進士

送劉道純

詩中有大梁城中笏拄頰之句

二篇並元載外集

次韻游景叔聞洮河捷報寄諸將四首

景叔名師雄按蜀本詩集注云按實錄元祐二年八月禽西番首領鬼章青宜結檻送闕下

和游景叔月報二捷

與前詩同時作

次韻崔伯易席上所賦因以贈行二首

按蜀本詩集注云按實錄元祐二年十月將作少監崔公度知潁州又按本傳公度字伯易高郵軍人此詩十月後所作

同子瞻和趙伯充團練

戲答伯充勸莫學書及爲席子澤解嘲

趙伯充名叔盎席子澤名延賞

謝景叔惠冬笋雍酥水梨三物

再答景叔

二詩並以時序爲次

次韻幾復和答所寄

先生有此詩真蹟跋云丁卯歲幾復至吏部改

官追和予丁丑在德平所寄詩也

寄上叔父夷仲三首

按蜀本詩集注云張方回家本前一篇題云寄上叔父夷仲後二篇題云叔父夷仲入奏近寄此詩用前韻今以先生所作叔父行狀考之元祐元年二月差按察成都等路茶事二年除直秘閣權發遣都大茶馬以職事入奏十二月除右司則前一篇寄蜀中後二篇則叔父已出蜀

矣

奉答謝公靜與榮子邕論狄元規孫少述詩長韻

按謝景溫小隱田記又云七年不幸伯兄歿於
鄧而此詩有謝公遂如此宰木已三霜則是今
歲所作任氏次於元年非是今改附於此子邕
名輯

送薛樂道知鄖鄉

詩中有我思謝公淚如雨屬公去灑穰下土之

句

送朱樂仲

詩中有故人皆在國北門及十五餘年乃一逢
之句 二篇並元載外集

和答劉仲叟殿院

詩中有諸公遊蓬壺賤子濫末至之句

題劉法直詩卷

二篇並元載別集

山谷年譜卷二十二

欽定四庫全書薈要卷一萬五千二百九

集部

山谷年譜卷二十三

宋 黃芻 撰

元祐三年戊辰

上

先生是歲在秘書省兼史局

正月東坡知貢舉先生為叅詳

按題太學試院云元祐三年正月乙丑鎖太學
試禮部進士四千七百三十二人三月戊申奏
號進士五百人宗室二人子瞻莘老知舉熙叔

元輿彥衡魯直子明叅詳君貺希古履中器之
成李明略無咎堯民元忠遐叔子發君時天啓
志完黠檢試卷是日侍御史日晏不來爲子發
書

五月詔新除著作郎黃庭堅依舊著作佐郎以御
史趙挺之論故有是命

按挺之有憾於先生德平鎮日不肯奉承行市
易事已見元豐八年注

考試局與孫元忠博士竹間對牕夜聞元忠誦書
聲調悲壯戲作竹枝歌三章和之

元忠名朴

觀伯時畫馬

東坡集有和篇題云試院中作

題伯時畫蜂虎

題伯時畫觀魚僧

按舊本題云伯時作清江游魚有老僧映樹身

觀之筆法甚妙予爲名曰玄沙畏影圖并題數

語云

題伯時畫頓塵馬

先生有此詩真蹟題作輾馬今觀詩句乃云忽
思馬欲頓風塵則是輾馬無疑蜀中見有石刻
題伯時畫嚴子陵釣灘

題松下淵明二首

按蜀本詩集前一篇注云皆試院作後一篇載

外集第四卷當是初本今併存之後篇已注改
兼蜀本石刻真蹟題云題李伯時所作松下淵
明而第三第四句亦不同云平生夢管葛把菊
見南山

老杜浣花谿圖并引

按金陵續帖先生有草書此詩多不同如碧雞
坊西結茅屋百花潭水濯冠纓作浣花溪邊築
茅屋百花潭底濯塵纓空蟠作獨蟠探道作譚

道且眼前作但眼前樂易作樂逸園翁作田翁
皆去作皆出酒船作江樓無主看作爛漫列解
鞍脫作干戈解不用作不願平安報作平安信
鋪墻作鋪壁常使作長使千古無作今古無漫
載於此元載外集

伯時彭蠡春牧圖

題伯時馬

二篇元載別集

次韻子瞻子由題憇寂圖二首

按蜀本詩集注云子由題柳仲遠所藏李伯時
畫胡僧憇寂圖舊有跋云元祐三年正月二十
七日子由題東坡與山谷皆有和章當是皆試
院後作今附見於此而蜀本石刻真蹟題云子
瞻詠李伯時所作憇寂圖其木石子瞻醉墨也

次韻子瞻元夕扈從端門二首

戲和舍弟船場探春

次韻舍弟題牛氏園二首

已上五篇並元載外集

王才元惠梅三種皆妙絕戲答三首

先生有此詩跋云州南王才元舍人家有百葉
黃梅絕妙禮部鎖院不復得見開院之明日才
元遣送數枝蓋是歲大雨雪寒甚故梅亦晚開
耳又一跋云元祐初鎖院禮部阻春雪還家已
三月王才元舍人送黃紅多葉梅數種爲作三

詩付王家素素歌之今玉山汪氏有先生三詩
真蹟如城南名士遣春來作佳士百葉緗梅觸
撥人作苦惱人按王立之詩話觸撥字初作苦
惱其後改焉今具載於此才元名棧立之才元
之子字直方

急雪寄王立之問梅花

又寄王立之

已上二篇元載外集

王立之承奉詩報梅花已落盡次韻戲答

乞桃花二首

寄杜家父二首

王才元舍人許牡丹求詩

謝王舍人剪送狀元紅

王立之以小詩送並帶牡丹戲答

從王都尉覓千葉梅云已落盡戲作嘲吹笛侍兒
此詩有吹盡落梅春已半之句蓋是出試院所

作

次韻李士雄子飛獨遊西園折牡丹憶弟子竒二
首

按舊本共三首前二首云花開西寺十里雪管
領須傾三百盃已撥春醅鬧如蟻望君及得禁
煙回東陽瘦盡吟詩骨冷落花前飲鳳團魏紫
姚黃滿京洛大名城裏看山丹而此本第一首
却題作再和子飛寄子竒

此二篇元載外集

次韻答曹子方雜言

按蜀本詩集注云曹輔字子方東坡有送曹輔
赴閩漕詩在好頭赤詩後按實錄三年九月太
僕寺丞曹輔權發遣福建路轉運判官山谷此
詩蓋輔未出使以前所作今附於此

和曹子方雜言

謝曹子方惠二物二首

已上二篇並元載外集

戲答陳季常寄黃州山中連理松枝二首

按蜀本詩集注云山谷有太平興國寺浴室院
題云故人陳季常林下士也寓棊簾於此子瞻
范子功數來從之元祐三年六月丁亥書然此
詩未必是時所作姑以物色附見

次韻子瞻送李廌

李廌字方叔是歲下第歸東坡此詩在次韻黃

魯直畫馬後

次韻宋懋宗三月十四日到西池都人盛觀翰林
公出遨

翰林公謂東坡東坡有和宋肇遊西池即此韻
在訪李方叔詩後

韓獻肅公挽詞三首

韓絳字子華事神宗再爲宰相按實錄元祐三
年三月薨謚獻肅東坡有韓康公挽詞在游西

池後康公即獻肅

次韻子瞻寄眉山王宣義

東坡有慶源宣義王文求紅帶詩即此韻其序
云請黃魯直學士秦少游賢良各爲賦一首爲
老人光華先生有此詩真蹟藁本云

參軍但有四立壁初無臨江千木奴白頭不
是折腰物桐帽棕鞵稱老夫滄江鷗鷺野心
性陰壑虎豹雄牙須鸛鶴作裘初服在猩血

染帶隣翁無昨來杜鵑勸歸去更得把酒聽
提壺當今人才不乏使天上二老須人扶兒
無飽飯尚勤書婦無複禪且着襦社甕可漉
溪可漁更問黃雞肥與癯林間醉着人伐木
猶夢官下聞追呼萬釘圍腰莫愛渠富貴安
能潤黃壚

送高士敦赴成都鈐轄二首

按前篇注有云此後有送高士敦鈐轄詩並見

外集今附於此

聽宋宗儒摘阮歌

自門下後省歸卧酺池寺觀盧鴻草堂圖

樂城集有此圖詩當同時作按樂城集次於韓

康公挽詞後

子瞻寺壁作小山枯木

題子瞻寺壁小山枯木

寺壁即酺池寺

題子瞻枯木

次韻子瞻詠好頭赤圖

東坡集此詩在紅帶詩後

次韻子瞻書黃庭經付蹇道士

子瞻題秋引進雪林石屏要同作

次韻子瞻送穆父二絕

和子瞻內翰題公擇舅中丞山房

題子瞻書詩後六言

先生有此詩真蹟題云題東坡先生自書詩卷
尾

戲贈高述六言

已上七篇並元載外集

王聖美三子補中廣文生

聖美名子韶此篇蜀本載之二年合移附是歲

山谷年譜卷二十三

欽定四庫全書薈要卷一萬五千二百十

集部

山谷年譜卷二十四

宋 黃芻 撰

元祐三年戊辰中

蘇李畫枯木道士賦

先生有跋自書枯木道士賦後云比來子由作
御風詞以王事過列子祠下作猶未見本問子
瞻文作何體子瞻云非詩非騷直是屬韻莊周
一篇耳晁无咎作求志一章子瞻以爲幽通當

北面也此二文他日當奉寄閒居當熟讀左傳
國語楚詞莊周韓非欲下筆略體古人致意曲
折處久久乃能自鑄偉詞雖屈宋亦不能超此
步驟也

東坡居士墨戲賦

白山茶賦

已上三篇並元載文集

劉明仲墨竹賦

此篇元載外集

題子瞻墨竹

題東坡竹石

此二篇並元載別集

詠伯時虎脊天馬圖

詠伯時象龍圖

題竹石牧牛

按蜀本詩集注云三詩並附前篇而天馬圖有

歲在執徐同之句蓋戊辰歲也

題伯時天育驃騎圖二首

觀劉永年圖練畫角膺

題王晉卿平遠

題燕邸洋川公養浩堂畫

此二篇並元載別集

戲題大年防禦蘆雁

此篇元載外集

題大年小景

此篇元載別集

避暑李氏園二首

李大夫招飲

已上三篇並元載外集

大暑水閣聽王晉卿家昭華吹笛

次韻子瞻和王子立風雨敗書屋有感

子立名適東坡此詩在送曹輔詩後

嘲小德

東坡有和章次前篇

戲答王定國題門兩絕句

東坡嘲小德詩後有和王定國會飲清虛堂詩

時定國歸自揚州

呈外舅孫莘老二首

按蜀本詩集注云詩意喜莘老得歸按實錄元祐三年九月御史中丞孫覺提舉醴泉觀本傳

公以疾堅請外提舉舒州靈仙觀此詩九月以
後所作今附於此

寄老菴賦

先生有此賦真蹟跋云劉貢父作菴記菴在歷
陽溫湯之僧舍莘老來索此文雖莫詳年月因
前詩請外故附此

以天壇靈壽杖送莘老

次韻胡彥明同年羈旅京師寄李子飛三章一章

道其困窮二章勸之歸三章言我亦欲歸耳胡
李相甥也故有檳榔之句

與胡彥明處道飲融師竹軒

謝送宣城筆

按成都續帖中有先生手寫此詩題云謝陳正
字送宣城諸葛筆跋云李公擇在宣城令諸葛
生作雞距法題云草玄筆寄孫莘老

王彥祖惠其祖黃州制草書其後

送徐景道尉武寧二首

杜似吟院兩首

奉送劉君昆仲

已上十一篇並元載外集

清人怨戲效徐庾慢體三首

此篇元載文集

山谷年譜卷二十四

欽定四庫全書薈要卷一萬五千二百十一

集部

山谷年譜卷二十五

宋 黃芻 撰

元祐三年戊辰

下

戲答俞清老道人寒夜三首

按蜀本詩集注云趙彥清家有山谷跋此詩其
末云東坡屢哦此詩以爲妙也元祐四年歸自
門下省書於酺池寺南退聽堂上此跋四年所
書而詩則三年冬所作蓋四年之冬東坡在杭

州也

秘書省冬夜宿直寄懷李德素

歲寒知松栢二首

按蜀本詩集前一篇注云東坡所和乃知字韻
在朝小德詩後後篇在外集第六卷今併附此
東觀讀未見書

被褐懷珠玉

款塞來享

按蜀本詩集注云三篇未必同時所作然皆效
進士體以教兒姪今附見東坡雜記云元祐三
年十二月二十八日上御延和殿奏范鎮新樂
時西夏方遣使款延州塞故進士作延和殿奏
新樂賦款塞來享詩云

效進士作觀成都石經詩

送曹子方福建路運判兼簡運使張仲謀

詩中有山驛官梅破小寒之句以時序附此詳

見前篇注

戲贈曹子方家鳳兒

詩中有莫隨閩嶺三年語之句蓋同時作

何氏悅亭詠柏

已上四篇並元載外集

憶邢惇夫

按蜀本詩集注云山谷跋惇夫集有國馬不及奉輿斃於皂櫪之語蓋元祐三年十一月庚戌

也此詩宜附見於此

次韻秦少章晁適道贈答詩

詩中有陰風雪塞廬之句當是此年冬所作蓋
明年冬少章從東坡在杭州矣

次韻答秦少章乞酒

詩中有水餅嚼冰蔬之句亦冬時所作

次韻答少章聞雁聽雞二首

先生有此詩真蹟題云同陳無已和答秦少章

聞雁聽雞二絕句

伯父祖善耆老好學於所居紫陽溪後小馬鞍山
爲放隱齋遠寄詩句意欲庭堅和之幸師友同
賦率爾上呈

序中有師友同賦之語當是求東坡諸公和章
明年東坡已在杭故附於此

已上三篇並元載外集

留昔嘗聞諸先人此詩蓋和曾伯祖祖善韻

曾伯祖詩并序云老伯行年七十有六同時
兄弟名滿四海墓木已拱合令老夫老更狂
耳近築亭於馬鞍山松聲泉溜足以忘年魯
直九姪爲我乞詩朝中諸公要驚山祇突兀
出聽直木皆先伐輪囷却歲寒時霑病者粟
倒着掛時冠人樂觀魚尾山齋跨馬鞍朝中
乞佳句留與子孫看是時先生所求朝士和
篇甚多今張文潛集中有和篇末句云平生

未識面試作阿咸看即和此詩韻耳

元祐四年己巳

先生是歲在秘書省兼史局

按蜀本詩集注云山谷在京師多與東坡唱和
四年夏東坡出知杭州遂無詩伴而山谷常苦
眩冒多在史局又多侍母夫人醫藥任氏注云
山谷有與王長源詩跋云相見於京師忽忽不
得盡平生朋友之意長源告行會小人年來頭

眩不能苦思因以廢詩輒以舊詩十許贈長源
又有書老杜詩跋云老夫今年四十五不復能
作詩他文亦嬾下筆欲學詩老杜足矣又與俞
清老曹荀龍書皆云庭堅自去年三月已不作
詩山谷是歲四十有五又嘗有詩云日歷如山
不到詩今以山谷答黎晦叔詩考之書云自元
祐中以病瘥不能苦思遂不作詩又與深道宣
德書云自二年來苦頭眩不能苦思因絕不作

詩則其不作詩恐不特因無詩伴耳

七月除集賢校理

按實錄七月甲午以修實錄院檢討官朝奉郎
行秘書省著作佐郎黃庭堅爲集賢校理

九月遇明堂大禮以任子思澤奏補姪樸

先生有乞奏補狀載別集

頤軒詩六首

按家藏此詩真蹟序云元祐四年正月癸酉又

有與君素手書云頤軒詩久草成以其不工久未寫去今漫遣不知可意否後題二十一日

寺齋睡起二首

後詩云桃李無言一再風蓋春時作又有人言九事八爲律儻有江船吾欲東之句今豫章文集前篇載第五卷後篇載第九卷今從任次

記夢

同元明過洪福寺戲題

按舊本并蜀本有序云三月中同呂元明畢公
叔至洪福寺見元明壁間舊題云與晉之醉後
使騎聲木撼花以爲笑戲題云

出城送客過故人東平侯趙景珍墓

按蜀本石刻真蹟題云春游偶到故人東平侯
墓下今以時序附見此篇元載別集

效王仲至少監詠姚花用其韻四首

按此詩蜀本置之三年按先生有手書真蹟此

前後二首跋云元祐四年春末偶入竇高州園
園中閒然花之晚開者皆妙絕羣木陰中姚黃
數本初開不數日當零落草根因折取二本獨
賞於門下後省其一歸李公擇其一歸王仲至
仲至作四詠因同韻作仲至詩規模甚遠不與
當時同律故罕知音云六年五月乙丑同忠王
宗王乞飯乞浴於淨照道人所愛此紙宜筆墨
書此以消飯今移附於此

戲答晁適道乞消梅二首

以梅餽晁深道戲贈二首

以時序爲次

次韻子實題少章寄寂齋

子實名端因後有送少章詩附見於此

此篇後亦刪去

次韻孫子實寄少游

戲書秦少游壁

贈秦少儀

少儀名覲

送少章從翰林蘇公餘杭

按蜀本詩集注云按實錄東坡出知杭州在四年而行以五月陳無已至南京見東坡從登後樓詩五月池無水又送行詩云一雨三月涼四詩略從舊次

題淨因寺壁

六月十七日晝寢

以時序爲次

北牕

趙子充示竹夫人詩蓋涼寢竹器憇臂休膝似非
夫人之職子爲名曰青奴并以小詩取之二首
先生有此詩真蹟後一首題云從趙端承議乞
竹奴俗所謂竹夫人者

題李十八知常軒

次韻奉答吉鄰機宜

題劉氏所藏展子虔感應觀音二首

已上四篇並元載外集

范蜀公挽詞二首

按蜀本詩集注云東坡作蜀公誌銘云元祐二年閏十二月薨葬以四年八月此詩蓋四年夏秋間所作

宗室公壽挽詞二首

按呂氏童蒙訓云天網恢中夏賓筵禁列侯後改云屬舉左官律不通宗室侯

黃潁州挽詞二首

潁州名好謙字幾道其子即師是爲河北漕時
先生作舉官與之通譜好謙居陳州故有哀筵
宛丘道之句此詩當是前作今從任次

樂壽縣君呂氏挽詞二首

李濠州挽詞二首

此二篇元載外集

山谷年譜卷二十五



總校官庶吉士

臣

張能照

校對官學正

臣

李巖

謄錄監生

臣

于希賢

欽定四庫全書薈要

集部

山谷年譜卷二十六

七

詳校官助教臣謝登雋



欽定四庫全書薈要卷一萬五千二百十二

集部

山谷年譜卷二十六

宋 黃芻 撰

元祐五年庚午

先生是歲在秘書省兼史局

寄忠玉提刑

按實錄元祐五年六月己未右宣德郎馬城提
點淮南西路刑獄又八月戊戌新淮南西路提
點刑獄馬城爲兩浙路提點刑獄雖蜀本於四

年注稱先生已不作詩只得附於是歲先生有
真蹟藁本題云贈送忠王提刑朝奉市骨斲千
里量珠買娉婷駑駘驂逸駕西子泣深屏吾人
材高秀胸次別渭涇嚴能喜劇部持節按祥刑
崔蒲稍衰息郡縣或空囹讀書頭欲白見士眼
終青今時斧斤地虛次待發硎早晚太微禁占
來有使星

此篇元載外集

元祐六年辛未

先生是歲在秘書省兼史局

三月詔為起居舍人以韓川有言行著作佐郎

按國史三月癸酉詔鄧溫伯趙彥若范祖禹曾

肇林希各遷一官陸佃為龍圖閣直學士黃庭

堅為起居舍人並以神宗實錄書成賞勞也中

書舍人韓川有言詔黃庭堅行著作佐郎又按

國史初呂大防欲用庭堅太皇太后曰恐再繳

不如只依例與改官大防乃已

六月特封母壽光縣太君為安康郡太君以先生陳乞以書成轉官恩回授

先生有辭免轉官及乞回授狀載別集

六月十八日丁母安康郡太君憂

先生叔父給事有與郭明叔提舉書云家世不祐六月間李氏嫂傾逝此懷苦楚何以堪任諸姪已扶護歸分寧幸蒙朝廷恩賜優厚感戴何

已蓋嘗蒙朝廷賻恤耳

元祐七年壬申

先生是歲正月八日護母安康郡太君喪抵家

五月叔父給事歿于京師

叔父即夷仲五月丙申歿於官先生有與洪甥
書云老舅方此荼毒百骸殄瘁又聞給事叔父
之訃一慟欲絕奈何

元祐八年癸酉

先生是歲居喪六月外除

二月戊申葬母氏安康太君祔于臺平祖域之內
康州使君之兆

七月除編修官

按國史七月壬寅呂大防言神宗皇帝正史限
一年了畢契勘昨修兩朝正史係差史官五員
今來止有三員切慮猝難就緒欲差前實錄院
檢討官黃庭堅正字秦觀爲編修官從之

九月服除具奏辭免編修之除

先生有辭免史院編修狀載別集

癸酉八月同百丈肅禪師溫湯作小詩呈九僊舜公長老

此篇元載別集

宿靈湯文室

詩中有月明漸映簷東出
置杭東床夜蕭瑟之句
恐是同時作

此篇元載外集

叔父給事挽詞十首

按樞密直學士劉奉世撰給事墓誌銘以元祐
八年九月丁酉葬於雙井之原又先生有與字
文伯修書云九月之末方畢叔父給事葬事又
云欲乞一宮觀時已免喪矣

江西道院賦

序云元祐八年秋九月

次韻章禹直開元寺觀畫壁兼簡李德素

禹直名嗣功嘗以上書言新法羈管洪州

次韻道輔雙嶺見寄三疊

次韻章禹直魏道輔贈答之詩

和答魏道輔寄懷十首

道輔名泰襄陽人曾子宣夫人之弟作東軒筆

錄碧霞腴漢南隱書自號漢南處士道輔嘗留

豫章此詩有今來冬至之句政先生還鄉之

時

牕日

詩中有添得思堂一卷書之句

次韻道輔旅懷見寄

先生有與章禹直手簡云兩日不會曷勝馳情
昨與德素天倪會語縣庭殊思與公同之又云
與道輔唱酬詩皆和得淨本已送道輔昨已宿
雙嶺想未見本少閒得空別錄呈也今日不出

能見過否故禹直道輔諸詩悉附於此

已上十五篇並元載外集

紹聖元年甲戌

先生是歲居鄉待辭免之命

除知宣州又除知鄂州

先生有跋東坡磨衲贊云紹聖元年五月甲子
新宣城假守黃庭堅書又先生有與李獻父知
府書云伏奉手誨勤篤并煩遣騎馳送宣城勅

感佩至意又有與運使中舍書云伏蒙賜書存
問曲折感慰無量失宣城得武昌消息盈虛誠
如尊諭按國史閏四月甲申以禮部侍郎孔武
仲爲寶文閣待制知宣州從所請也其新差權
發遣宣州黃庭堅別與差遣

三月丁亥宿王子居息菴

先生有草書跋尾云元祐九年三月丁亥宿王
子居息菴爲表弟舜功作此草按國史改元在

四月癸丑降御札云其因盛夏之辰載新元統
之號

五月到城下

先生與李獻父書有云庭堅但須分寧卸鹽船
空即解維後月初必獲參展許借兩舟至海昏
盛暑使賤累少得清涼實受賜也書後題二十
一日而書中有竊審府庭無留事內外得職履
夏具宜之語發書當在四月間又有題唐本蘭

亭後云紹聖元年六月辛未上藍院南軒同程
正輔觀正輔名德孺蜀人

六月離城下八月到彭澤

先生有彭澤縣題石云紹聖元年六月八日來
謁石興宗李幾道在焉尋勝至此休於橘陰者
久之伯氏元明舍弟天民將姪樸桓自微徑來
江西黃庭堅魯直記又有彭澤讀書巖題字云
尉石興宗諸子讀書巖中號橘林三少故予爲

立巖名興宗名振三少謂悉憑悠

七月奉祠因舟行向淮南

按國史紹聖元年六月丁亥新知鄂州黃庭堅
管句亳州明道宮於開封府界居住報國史院
取會文字又先生有與運使中舍書云十三日
受勅管句亳州明道宮并得堂劄已除范祖禹
提舉明道宮奉聖旨各於開封界居住報應國
史院取會文字亦能識時解意旨且泛舟迤邐

向淮南耳又按國史紹聖元年九月壬午修國
史蔡卞林希言先帝日厯自熙寧二年正月以
後至三年終係元祐中秘書省官孔武仲黃庭
堅司馬康修纂自熙寧四年以後至七年終係
范祖禹修纂而黃庭堅司馬康范祖禹又皆係
修先帝實錄官其間所書相爲表裏用意增損
多失事實緣修國史院已得旨重修所有昨來
范祖禹所進日厯伏乞一就看詳改正務盡事

實使後世考觀無所疑惑從之

九月復過池州

先生有池州齊山焦筆巖題名云江西黃大臨
弟庭堅叔獻叔達子樸相梔孫杰紹聖元年九
月辛丑泛舟同來

十月離分寧

先生有與天民知命初八日書云今日至武寧
見諸官畢即行又有十七日書云道中適晴暖

行李甚得所七哥清快葷味亦不乏吾上路來
尤輕安三十三切勿過憂亦聞裏面事稍慢或
歲初便得歸也漫寄少梨棗去作冬節按蜀本
詩集注云山谷初寓太平州之蕪湖事具與王
瀘州書與其兄元明俱來陳留事具與梁大夫
書云伯氏越州司理相送至府畿後止東寺之
淨土院事具與趙伯充書且云一室明煖容膝
有餘舟行時與東坡相遇於江上山谷有題東

坡真贊云紹聖之元吾見東坡於彭蠡之上其
貌不爾又與佛印書云惠州偶阻風相會三日
與黃門相遇於貴池其後山谷在荊州黃門與
書云貴池相別於今八年今以先生前後書尺
真蹟石刻及彭澤池陽題名等一一參考以月
日是歲先生自分寧赴宣城舟行由海昏過城
下赴官道間得祠其與東坡相遇時按國史是
歲四月東坡落職知英州按東坡年譜有乞舟

行赴英州狀云帶家屬數人前去汴泗之間乘舟泛江倍道而行至南康軍由陸赴任又東坡有與先生作銅雀臺研銘親筆刻研上乃紹聖元年七月十三日東坡居士書則是相遇之時當在六七月間先生九月復過池州與蕪湖相距才一二程耳考之家書則又十月離分寧與元明同行書中之語有云或歲初便得歸意是挈家略歸即爲陳留之役時元明得官越州樸

得官杭州其後復挈家寓蕪湖以候分骨肉相
養也蓋王瀘州書中止言兄弟同庖蓋四十口
得罪南來勢不可扶將皆寓太平州之蕪湖是
書乃已謫居黔中在紹聖二年則是骨肉復寓
蕪湖於他書亦可互見耳天民名叔獻先生之
弟

十一月至陳留供報文字

按國史黃慶基言神宗實錄隱沒先朝良法美

意輒以微言含寓諷刺數十事修編令府界供
答文字未見施行乞早誅責

十二月尚在陳留俟命

先生有與公蘊知縣書云被旨至陳留略已六
十日又有書壽禪師垂戒碑贈朱時發乃十二
月丙申陳留淨土院深明閣書按國史十二月
丙申三省同進呈臺諫官前後章疏言實錄院
所修先帝實錄類多附會姦言詆熙寧以來政

事乞重行竄黜及國史院取會到編修官范祖禹趙彥若黃庭堅所供文狀各稱別無按據得之傳聞事上曰文字已盡見史官敢如此誕慢不恭章惇曰不惟多稱得於傳聞雖有臣僚之家取到文字亦不可信但其言以傳聞修定欺誕敢爾安燾曰自古史官未有如此者亦朝廷不幸又曰常日進呈文字多先議定上早來章惇言合取自聖斷即未經聚議輕重惇曰合取

自聖意裁度上曰庭堅供答尤不遜莫量分等
第章惇等曰三人事體不甚相遠恐不須分上
曰須各與安置惇等曰據罪當如此又奏臣僚
入劄子言國史院簽貼實錄詆誣編落事元祐
大臣乃欲塵玷先朝政事援引司馬光蘇軾兄
弟門下之人皆平昔不得志者其於事跡往往
刪除漏落或緣飾詆誣意欲掩覆先帝之光烈
爲臣不忠莫大焉欲乞根究詣實應提舉史院

呂大防修史官趙彥若范祖禹等重行貶責以
示萬世大公至正之法詔祖禹責授武安軍節
度副使永州安置彥若責授安遠軍節度副使
澧州安置庭堅責授涪州別駕黔州安置

次韻元日

詩中有四十九年蘧伯玉之句意是今春首作
此篇元載外集

贈石敏若

敏若名悉興宗之子此詩蜀本載之崇寧元年
合在是歲詳見前注

題大雲倉達觀臺二首

按先生有手書石刻跋云永利禪寺東偏遵微
徑攀古松登高丘四達而平所瞻皆數百里間
其地主曰戴器之因名曰達觀臺而屬器之築
屋於其上器之忻然曰敢不諾因爲作二詩踰
旬屋成器之置酒命歌舞者二三時與鎮官蘇

臺范光祖同賞焉余既去越三年聞器之以疾不起但增感歎爾山徑荒蕪好事者遠聞而來或不得一登而去問其故曰更數尉以爲臺上窺見其室家故鍵閉而藏其鑰余笑曰人家不過有五七婦女亦當在室屋中作女工事豈常鋤耨於後圃邪州西酺池寺僧伽浮屠高三百六十尺下見親賢宅旁見禁中游人以時登未聞官典其鑰也岳陽樓下瞰郡官數家游者無

虛日特未之思耶余流落夔梓間九年而歸見
智遠長老莊嚴此院甚有意思而詩以經元符
間掊擊不存臺上石刻聞尉公密令彎生碎之
復來求本故書遺之并紀敘鍵閉游人之意冀
即識者能思之耳崇寧元年五月朔黃庭堅書
即此跋推之合在是歲

此篇元載外集

寂住閣

深明閣

按蜀本詩集注云二篇陳留淨土院作元注云
陳留宿一殢堂因書爲寂住閣

雜詩

詩中有誰知佛印祖師禪之句當是今夏與佛
印相遇時作

此篇元載別集

紹聖二年乙亥

先生是歲拜黔州謫命

按國史先生本傳章惇蔡卞與羣姦論實錄詆
誣俾前史官分居畿邑以待摘千餘條示之謂
爲無驗證繼而院吏考閱悉有据依所餘才三
十二事殊細瑣庭堅書鐵龍爪治河有同兒戲至
是首問焉對曰庭堅時官北都親見之真兒戲
耳凡有問皆直辭以對聞者壯之云云先生被
命即行其與公蘊知縣書云庭堅以謬於史事

遠竄黔中罪大恩寬惟有感涕即日俟受命即
行又按國史紹聖二年春正月黃履言朝廷以
趙彥若等修纂先帝實錄厚加誣毀皆已竄逐
惟監修官呂大防獨得幸免今訊治大防親有
撰述筆迹甚明若不例謫何以示公翟思言呂
大防始以典領史特遷兩官合行追奪劉拯言
范祖禹趙彥若黃庭堅擅敢增損誣毀先帝爲
臣不忠罪不可赦詔呂大防特追奪兩官趙彥

若范祖禹陸佃曾肇林希並追奪一官除林希
在職日淺外曾肇與小郡陸佃候服闋與小郡
庭堅特追一官當用過回授恩澤

先生赴貶所伯氏元明同行

按書萍鄉縣廳壁云初元明自陳留出尉氏許
昌渡漢沔略江陵上夔峽過一百八盤涉四十
八渡送余安置於摩圍山之下

三月辛亥次下牢關壬子之夕宿黃牛峽癸丑夕宿

鹿角灘下

具黔南道中行記

四月二十三日到黔州

具到黔州謝表

寓居開元寺

先生有與張和叔書云下處在南寺摩圍閣及
有四月二十六日與大王簿三十三書云安下
處是南寺一位有水閣山亭極蕭灑末云黔州

摩圍閣發又批云蜀人呼天爲圍此閣臨江正對摩圍峯也大主簿即先生姪樸字匠師元明之長子授先生奏薦三十三即先生之女名睦後嫁舒城李文伯

竹枝詞

并跋

予既作竹枝詞夜宿歌羅驛夢李白相見於山間曰予往謫夜郎於此聞杜鵑作竹枝詞三疊世傳之不予細憶集中無有請三誦乃得之

前詩有跋語云紹聖二年四月甲申蓋十九日
與此詩皆道中作

元明題歌羅驛竹枝詞

此篇元載外集

竹枝詞二首

詩中皆有夔州竹枝語

此篇元載別集

和答元明黔南贈別

先生書萍鄉縣廳壁云元明送余安置於摩圍
山之下淹留數月不忍別士大夫共慰勉之乃
肯行拚淚握手爲萬里無相見期之別詩中有
急雪鵲鵲相並影驚風鴻雁不成行之句蓋冬
時所作然元明却是六月十二日離黔州具先
生所與天民知命書此詩蓋追和耳

紹聖三年丙子

先生是歲在黔州

按蜀本詩集注云初山谷既未能以家來二年之秋其弟知命自蕪湖登舟山谷與秦少章書云叔達附蘇伯固船自蕪湖登舟攜一妾一子妾所謂李慶具知命家書今趙彥清家有錄本子名祖小字韓十蓋仲子也具家書及與秦少章宋子茂書及山谷之子相小名小德小字四十并其所生母俱來知命中道生一女又與其從兄嗣直會於夔州是歲五月六日抵黔南又

任氏注云山谷書云知命居士得三月二十八日書知慶兒已免娠入夔州已回客次俱無恙嗣直又適得相會何慰如之嗣直名叔向給事之子山谷五月書云初五日宿大浩初六日可來趨疊石早飯又云今日甚思汝輩同剝粽子也

題瘦驢嶺馬鋪

知命

行次巫山宋楙宗遣騎送折花厨醞

知命

次韻楸宗送別二首

知命

戲答劉文學

知命

外姪李光祖往見尚垂髫今觀寄嗣直小詩已可

愛因次韻書其後

知命

上南陵坡

知命

題小猿叫驛

知命

馬上口號呈建始李令

知命

建始屬施州

次浮塘驛見張施州小詩次其韻

知命

將次施州先寄張十九使君三首

知命

和仲謀送別二首

知命

次韻答清江主簿趙彥成

知命

宋楙宗寄夔州五十詩三首

知命

右知命二十詩元附先生集中今從舊次

題蘇若蘭回文錦詩圖

元雜置知命詩中

紹聖四年丁丑

先生是歲在黔州

按蜀本詩集注云其春知命往見嗣直於涪州
生一子是爲小牛秋冬間還黔具山谷與知命
嗣直書今以先生與七兄司理書考之有云知
命挈攜在涪陵十月乃歸又云庭堅處摩圍之
下安固寂靜無時不堪然願勿以遞中書浮湛
動念也蓋正月初三日書又四月書陰真君詩

贈王瀘州之季子跋云紹聖四年丙午黔中禪
月樓中書而六月嘗爲王聖涂作忠州復古記
十一月爲劉退夫臨寫蘭亭跋云紹聖四年十
一月乙卯摩圍閣中書

楊明叔惠詩格律詞意皆薰沐去其舊習予爲之

喜而不寐

石刻有然字

文章者道之器也言者行之

枝葉也故次韻作四詩報之耕禮義之田而深

其耒

石刻作本字

明叔言行有法

石刻作物

當官又敏於

事而卹民故予期之以

石刻作故相期以

遠者大者

按蜀本石刻真蹟止寫前兩篇題作故次韻作
二頌以為報而第三篇却別題云荐辱明叔佳
句又作一頌奉報老人作頌不復似詩如蜂采
花但取其味可也

庭堅老嬾衰墮

石刻作老衰嬾墮

多年不作詩已忘其體

律因明叔有意於斯文試舉一綱而張萬目蓋
以俗為雅以故為新百戰百勝如孫吳

石刻作孫武吳

起之兵棘端可以破

石刻作當

鏃如甘蠅飛衛之射

此詩人之奇也明叔當自得之公眉人鄉先生

之妙語震耀

石刻作驚

一世我昔從公

石刻作蓋從此公

得

之多故今以此事相付

按蜀本石刻真蹟添前篇第四首却題云再和

二頌并序

明叔惠示二頌云見七佛偈似有敬覺乃是見道
之端發於此故以二頌為報

按蜀本石刻真蹟有此二篇而集中遺逸故載
於此蜀本詩集注云楊皓字明叔眉之丹稜人
官於黔中時在山谷遷謫後與明叔書帖可考
此詩蓋黔中所作故有我已魑魅禦之句黔中
詩絕少姑附是歲

謫居黔南五首

按蜀本詩集注云右摘樂天句元題云謫居黔
南今附於此蓋明年又遷於戎州云今蜀本有

十首元注摘樂天句近世曾慥端伯作詩選載
潘邠老事云山谷十絕詩盡用樂天大篇裁爲
絕句蓋樂天長於敷衍而山谷工於剪裁端伯
所載如此必有依據然敷衍裁翦之說非是蓋
山谷謫居黔南時取樂天江州忠州等詩偶有
會於心者摘其數語寫置齋閣或嘗爲人書世
因傳以爲山谷自作然亦非有意與樂天較工
拙也詩中改易數字可爲作詩之法而楊氏增

注云後五篇當是責宜州時作冷齋夜話以老
色日上面及輕紗一幅巾二篇爲責宜州時則
三篇可見也今以後五篇附其一云老色日上
面歡悰日去心今既不如昔後當不如今其二
云嘖嘖雀引雛稍稍笋成竹時物感人情憶我
故鄉曲其三云苦雨初入梅瘴雲稍含毒泥秧
水畦稻灰種畬田粟其四云輕紗一幅巾小簾
六尺牀無客盡日靜有風終夜涼其五云病人

多夢醫囚人多夢赦如何春來夢合眼在鄉社

王聖涂二亭歌

以是年爲王聖涂作忠州復古記故附此

送昌上座歸成都

此篇元載元集

山谷年譜卷二十六